

B. C. D.
DISSERTATIO PHILOSOPHICA
DE
**BONITATE
DIVINA
IN MALIS PHYSICIS
CONSPICUA,**

QUAM,
CONSENT. AMPLISS. FACULT. PHILOSOPH.
IN REGIA ACAD. ABOENS.

PRÆSIDE
VIRO CELEBERRIMO
**D^N. M^{AG}. JOHANNE
KRAFTMAN,**
MATH. PROF. EXTRAORD.

PRO GRADU,
Publice ventilandam sifit
JOHANNES GABR. BERGMAN,
SATACUNDA - FENNO.

IN AUD. MAJOR. D. XXII. JUNI ANNI MDCCCLVII.
H. A. M. S.

ABOÆ, Impressit Direct. & Typogr. Reg. Magn. Duc.
Finland. JACOB MERCKELL.

pro Mag. Brytanu

KONGL. MAJ:TS
TRO - MAN och VICE PRESIDENT
WID DESS OCH RIKSENS HÖGLOFLIGE HOF-
RÄTT I STORFURSTENDÖMET FINLAND,
HÖGWÄLBORNE HERREN
**HERR J O H A N
LAGERFLYCHT,**
NÅDIGE HERRE.

Efter et bekymmersamt öfwervägande, frambar jag i djupaste ödmjukhet til *Högwälborne Herr Vice Presidenten* desse få blad, som innehålla en kort afhandling om Guds godhet, hwilken yttrar sig under de wedermödor människian här i tiden är utsatt före.

Min djerfhet härutinnan, har förment sig wara urfaktad igenom *Högwälborne Herr Vice Presidentens* Nåd och widt bekante Ådelmod, åfwens och igenom den besynnerliga ynnest och wänskap, *Högwälborne Herr Vice Presidenten* behagade stådse

yttra

yttra för min i lifstiden vårdaste Morbroder, hvars
hulda förordnande jag endast och allenast bör til-
skrifwa min fortkomst.

Anse altderföre *Högwälborne Herr*, mit men-
lös företagande med wanlig Nåd, samt unn mig
den stora heder, at få tekna et få högförtjent
Namn til prydnad för detta ringa arbete.

Min staplande tunga skulle snart afstanna, om
jag försökte, at föreställa widden af min brinnan-
de wördnad.

Allmagten uppskjute den dagen til senaste tider,
då *Högwälborne Herr Vice Presidenten* lemnar förgän-
geligheten, och låte de många vålsignelser, som
så allmånt utmanas öfwer *Högwälborne Herr Vice*
Presidenten såsom en Pelare för Råttwisan, gjöra
Hans lefnad längvarig, fäll och ljuvlig ! Fram-
lefwer med djupaste wördnad

HÖGWÄLBORNE HERR VICE PRESIDENTENS

Allerödmjukaste tjenare


JOHAN GABRIEL BERGMAN.

Admodum Reverendo atque Praeclarissimo Domino
M^{AG.} MICHAELI
LEBELL,
Ecclesiarum Ulfssbyensium atque Biörneburgensium
PASTORI & PRÆPOSITO meritissimo, Scholæ
Trivialis ibidem INSPECTORI adcura-
tissimo, Patrono atque
NUTRITIO PROPENSISSIMO.

Iniquum sane foret, VIR Admodum Reverende, nisi
oblata hac occasione, me totum in ære Tuò esse publi-
ce significarem. Tot enim tantaque apud me collocasti
beneficia, quot & quanta maxima esse solent. Mibi
proinde nil gratius, nil optatius esset, quam ut venera-
bundæ mentis meæ explicare possem recessus, & palam
profiteri, quantum Tibi Nutritie Propenissime, debeam.
At nullibi verba Te digna, maximisque Tuis beneficiis
responsura, invenio. Omnia igitur pia ac singulari
veneratione ad urnam usque veneror, & in gratissi-
mi animi signum, devota mente Tibi offero fructum hunc
istius temporis, quo mibi licuit, favore Tuò, huic Lyceo in-
teresse. Adspice hasce pagellas nativa Tua i. e. sere-
na fronte, & perge, qua cœpisti memet beare gratia.
Interim ut vivas, VIR Admodum Reverende, in multos
annos salvus ac omnigena cumulatus felicitate in Ecclesiæ
& Reipublicæ emolumentum maximum, vovet vovebitque

Admodum Reverendi NOMINIS TUI

cultor humillimus
JOHANNES GABRIEL BERGMAN.



§. I.



Omentaturi, sub clementi
Dei auspicio, de Bonitate Divi-
na in malis physicis conspicua,
paucis in antecessum explicabi-
mus terminos, qui in fronte
dissertatiunculae nostræ compa-
rent. Bonitas itaque Divina,
prouti relative spectatur, nobis
est perfectio Dei infinita, qua facilis est ad confe-
rendas creaturis omnes perfectiones, quarum sunt
capaces. Per se vero clarum est, quod hæc ipsa
capacitas determinetur, vel per essentiam & na-
turam rerum limitatam, majores perfectiones re-
spuentem, vel, si creaturæ fuerint moralitatis ca-
pacies, etiam per earundem relationem ad sanctissi-
mam legem Dei. Actiones enim legi repugnan-

A

tes,

tes, quam maxime impediunt, ne earundem autores omnibus iis ornentur perfectionibus, quas lege non migrata, per essentiam suam recipere possent. Quod vero Deus exerceat Bonitatem suam secundum capacitatem creaturarum, pleno ore loquitur totum systema mundanum. Bonitatem autem Divinam esse ampliorem erga homines, quam alias creaturest visibiles, vel inde liquet, quod illorum capacitas non solum major sit, quam harum, verum etiam, quoniam hæ tanquam media ad homines referuntur, ut iisdem, vel directe vel indirecte pro illarum natura, utantur. Qui enim rite attendere vult sapientissimam rerum atque finium subordinationem, is omnino fatebitur, nil contemnendum esse. Verum ne multitudine dicendorum obruamur, animum in praesenti dirigere lumbet, ad Bonitatem Divinam in malis physicis conspicuum. Hac vero in consideranda, illud utique observandum est, quod hic non adeo respectus perfectionis hominum physicæ, verum in primis moralis habendus sit, cum multa nobis apparere possint duriora, ratione habita ad illam, relata vero ad hanc non item.

§. II.

Illæ, quibus hac in fragilitate obruimur calamitates, mala physica appellamus. Actualitatem horum ex malis moralibus derivandam esse, assequitur ratio, revelatio autem extra omne dubium ponit.

ponit. Ratione hominum, prouti probi vel improbi fuerint mala hæc physica consideranda sunt, vel ut pœnæ, vel tanquam motiva virtutum, quamvis neque negemus, mala physica, utriusque vices sustinere penes hominem improbum, quoad respicendi locus ipsi est concessus. Sunt vero mala hæcce diversi generis. Alia enim, ex malis moralibus necessaria atque naturali connexione profluunt: sic e. g. intemperantia varii generis mala physica secum connexa habet. Alia iterum originem debent effectibus naturalibus, ordine rerum ita constituto a sapientissimo Gubernatore, qui ab æterno prævidit, quo quis progrederetur, ut tali afficeretur malo. Hujuscemodi mala sunt plurimæ morborum species, terræ motus atque inundationes, naufragia, incendia, annonæ difficultas &c. Sunt denique mala physica, quæ nec commode dici possunt resultare ex malis moralibus, neque in naturæ cursu fundari, verum peculiari directione Divina immittuntur: quorsum referas memorabilem Jerobeami punitionem I. Reg. XIII. v. 4. plagas Pharaonis, calamitates Jobi. &c. Licet autem indubium sit, quod ratio malorum physicorum variet modo recensito, simul tamen necessum habemus fateri, quod non raro quædam mala physica occurrant, quæ quidem non adscribenda esse classi primæ perspicimus, at cuinam ex posterioribus, illud determinare non valemus. Inprimis, cum quædam mala physica, quæ nobis apparent miraculosa, rationem tamen suam habere possint,

in rebus naturalibus, quamvis eandem in casu quovis particulari expiscari nequeamus, ignoratis viribus & modis agendi rerum. Fundamentum asserti subministrat ipsa experientia, qua constat plurimas olim latentes malorum physicorum causas esse detectas, indefesso naturæ scrutinio, quarum exempla paucim prostant.

§. III.

Droperantes ad institutum, necesse est, ut illis occurramus, qui crudelitatis Deum incusant ob immissionem malorum physicorum. Abeant vero ejusmodi convitia impietatis plena. Mala enim hominum physica non sunt duriora, quam finis illorum primarius requirit, qui absolvitur vindicatione læsæ Majestatis Divinæ. Nam, singe Deum indifferenter sese habere ad transgressionem legis suæ, hoc num aliud esset, quam Eum injustum pronuntiare, aliumque ipso perfectiorem admittere? quod implicat. Nulli quippe defectus, limites nulli, in Deo utpote Ente perfectissimo concipiendi sunt: qua itaque fronte justitia Eum privare cupiunt? Nec quidquam bonitati Divinæ derogat hujuscemodi justitiæ rigor. Sunt enim omnia attributa Divina parallela atque ita harmonica, ut singulis æqualis h. e. infinita competit perfectio. Quo respectu, et si Deus ardentissima voluntate velet felicitatem creaturæ rationalis non potest non ita

ita sua distribuere beneficia, ut ubique habeat rationem gloriæ suæ infinitæ. Nam cum amore suo immanentí proprias adprobat perfectiones, hinc non potest ferre mala moralia, & perfectionibus illos ornare, qui concessis bonis turpiter abutuntur. Ponamus ulterius, Deum vi bonitatis suæ posse condonare migrationem legis, nulla interveniente poena; unde quæso mortales certi redderentur de sanctitate Divina? annon semper dubii hærerent, num serio aversaretur malum nec ne? Annon licentia aspernandi legem hinc nimis creceret? Nulla igitur hic crudelitatis species, nullus justitiæ & bonitatis conflictus apparent: verum contra, deprehensuri erimus perplurima Providentiæ atque bonitatis specimina, si ad finem malorum physicorum secundarium respiciamus, qui consistit in promovenda perfectione hominum morali.

§. IV.

SI quid, certe hoc illustrissimum est Bonitatis Divinæ documentum, quod corpus humanum, artificium illud prorsus incomparabile, in quo eminentia legum Hydraulicarum, Staticarum, Opticarum & Mechanicarum comparet plane stupenda, ita constructum sit, ut non solum possit sustinere plurimas molestias atque injurias, quarum incapacia sunt præstantissima artifacia humana, verum etiam, sub jugo asperrimarum ægritudinum, non

raro diu persistat. Immo, quod prorsus singulare
 est, si quid adversi accidit, vi intrinseca atque or-
 ganis propriis depellere, mutasque partes laevas
 restituere conatur. Ornatum est corpus nostrum
 fibrillis discurrentibus, per totam suam superficiem,
 ut earundem ope dolorem mali statim percipiat,
 eidemque simul tempestive occurrat. Verum ne
 hocce negotium segnus perficeret, placuit insu-
 per sapientissimo Conditori, etiam hanc ob caussam
 imprimere nobis horrorem mali, conjunctum cum
 flagrantissimo studio conservationis. Secus enim si
 fuisset, cum protoplastis desisset genus humanum.
 Et sicut anima nostra ob arctissimum vinculum
 participat incommoda cum domicilio suo; ita et-
 iam varias nausta est facultates, quibus rite excus-
 tis, media haud raro apta & sufficientia propellen-
 dis plurimis malis invenire, & de eorundem præ-
 stantia dijudicare potest. Memoria nobis prospexit
 Optimum Numen, ut etiam illius beneficio non
 solum ea in mentem revocemus & fugiamus,
 quæ nobis antea mala intulere, quoties eadem in
 iisdem circumstantiis posita esse cernimus, verum
 etiam, ut, malis præoccupati, remediis pristinis,
 si quæ fuerint, uti sciamus. Annon enim tempus
 succurrenti sæpiissime penitus evolaret, si de novo
 semper excogitanda forent remedia, oblita me-
 thodo pristina eluctandi eadem. Veneranda etiam
 in eo est Providentia Divina, quod mala, quæ
 necessaria connexione resultant ex actionibus legi
 contrariis, qua partem saltim præcognosci possint

eu.n

eum certe in finem, ut tali cognitione, si nostri
cura tangeremur, eo facilius abstineamus a trans-
gressione legis. Contra vero, illa plerumque la-
tent, quæ nexui rerum implicantur, ut eo pru-
dentius omnes nostras actiones instituamus, & ne
imminens malum ante diem, animum dolore adsi-
ceret. Tota quippe vita, tum foret metus &
tristitia, cum in hominum potestate semper non
esset eadem declinare.

§. V.

SI motiva, quæ mala physica præbent emendan-
dæ vitæ, rite pensiveantur, nullum est dubium,
quin amplissima Bonitatis atque Sapientiæ Divinæ
indicia inveniantur. Fieri enim non potest, quin
homo malis physicis vexatus, perfectionique status
fui, naturali nisu studens, ea removere cupiat, si
modo sanæ mentis compos esse velit. Malorum
vero physicorum tedium diminuere, iisdemque in
posterum, quantum fieri potest, ansam præcindle-
re, nequit, nisi explorando caussas, sine quibus non
existerent. Quas autem, cum haud raro proxime,
semper vero ultimato perspicit esse mala moralia,
quid ergo convenientius naturæ humanæ foret,
quam summo prosequi odio mala moralia, teter-
rimas nutrices tot flagellorum perpesu asperrimo-
rum. Propriæ enim referat culpæ, si non asse-
quatur felicitatem hujus vitæ veram, vilipensis mo-
tivis

tivis, quæ mala physica suppeditant. En! igitur abyssum bonitatis veræ infinitæ, quæ nil attentare intermittit, quo intensissimum suum creaturis benefaciendi studium declarare possit. En! amorem Sapientiæ regulis amicum, qui tædiis & ærumnis conatur procurare nostra commoda, quando beneficia ejus nil efficere valent. En! ut verbo dicam, Providentiam sapientissimam Benignissimam. Quot & quibus modis mala physica ansam aperiant emendationi vitæ peccantium, haud obscure liquet, facta eorundem absentia. Bone Deus! quam larga dum foret prævaricationum messis. An honesti & turpitudinis nomina innotescerent? An conscientiæ stimuli? An se peccati reos ducerent mortales? Quis & qualis cultus Numinis? Quis denique evenitus generis humani? Ad hasce quæstiones quid reponendum sit, statim occurrit deliberanti præsentem mortalium conditionem. Gementes enim sub iugo malorum physicorum sæpe intolerabili, eadem nihilosecius crebris exaggerant malefactis, & quod inhumanum putares, vix liberati ab iisdem, præcipites ruunt in idem vitium, cui similis adhæret passio. An in facto illo statu, magis experitare posses a rationis dictamine, quam dum mala existunt, & rationi nulla fere potestas conceditur, jure meritoque ambigimus. Eo vero fortiora motiva, nec non aptiorem ansam emendandæ vitæ mala physica præbent, quo certius constat, homines nunquam adeo illis obrui, ut omnibus in ceteris careant beneficiis Divinis. Hinc non

solum

¶) 9 (¶
solum adiunguntur, verum etiam alliciuntur nuntium
mittere, vitæ sceleribus contaminatæ. Mente igitur
privatus est, qui non intelligit, quam sapienter
Deus, immissione malorum physicorum hominum
commoda opitulatur.

§. VI.

Sunt etiam argumenta Bonitatis Divinæ, ratione
exempli & admonitionis, quam aliis, mala
physica non adhuc sentientibus, præbent. Etenim
commonent illos, ut evitent ea, quæ similia pe-
nes alios caussantur incommoda. Veneramur hic
Summi Conditoris Bonitatem atque Sapientiam,
quibus non solum vult nostram felicitatem, sed et-
iam utitur mediis ad hunc finem perducendis, na-
turæ nostræ congruis. Cujusque enim propria con-
stat experientia, quod repræsentatio mali physici
semper est motivum nolendi actionem, unde ma-
lum repræsentatum oritur. Cum itaque homines
vident mala alicui gigni ob malum morale, annon
hoc infinitæ Bonitatis est indicium quod mor-
tales illam naëti sint naturam, ut malum illud mo-
rale, reluctante hande raro cupiditate prava, infe-
ctum relinquere possint, modo donis suis naturali-
bus rite uti velint? Vah! igitur pertinaciam illo-
rum prorsus execrabilem, qui invitamentis hisce
Divinis, ad meliorem frugem deducturis, surdas
præbent aures. Vah! brutis deteriores. Hæc e-

nim solo nisu conservandi capta, s^ep^e non nisi vi
maxima ad ea obeunda coguntur, quæ aliis da-
mna intulisse viderunt. Desinas igitur impio den-
te rodere irrogationem malorum physicorum,
cum in iisdem compareant Gubernationis Divinæ
vestigia malis certe obicem positura, si eadem,
qua decet mentis veneratione perpendere grave ti-
bi non duxeris.

§. VII.

SED exaudire mihi videor, quod probi, quorum
vita est integra, nihilosecius plurimas patiun-
tur calamitates. Est fateor hæc spina, quæ priscos
pupugit, multorumque animos hodienum vexat,
sed immerito. Nisi enim omnia nosmet fallant,
forte probis non tam bene foret, quamdiu in hac
imperfectione vivunt, ac primo obtutu videretur,
si omnibus carerent malis. Hi enim etsi animum
a malo morali avertere student, nihilominus lu-
ctantur cum peccati radice atque fomite penes i-
psos adhuc superstite. Quod si jam semper cumu-
larentur fato prospero, annon facile latitans fo-
mes inflammari posset sensuali bonorum titillatio-
ne? quo facto intellectus paulatim mitteret cogita-
tiones sacratiores, inque sensualibus hæreret atque
ita voluntatem in transversum abriperet. Contra
autem, afflictiones, irritamenta ejusmodi naturæ
corruptæ debilitant, nec non removent scrupulos,
qui

qui alioquin facile exoriri possent circa justitiam ac sanctitatem Divinam. Taceo, quod virtutes proborum, calamitatibus tanquam cote acuantur. Hisce enim discunt ad aram clementiae Divinæ, precibus, quæ non nascuntur in labris, verum prodeunt ex imo pectoris recessu, confugere, humilitatem sectari, strenuam patientiæ & probitati operam navare, solum in Deum fiduciam collocare, qui novit, vult atque valet succurrere illis, fluxaque hujus vitæ bona non expetere, cum nunquam satiare possint desiderium, quo feruntur ad obtainendam interruptam felicitatem. Hisce coruscantes virtutibus, manifestum est probos gaudere felicitate solida atque firmissima, cum Deum Summum Bonum venerantur, qui præstantioribus bonis defectus eorum supplere potest. Hinc non sua verum perversa aliorum opinione sunt infelices. Noli denique contrahere rugas ideo, quod iisdem saepe premantur incommodis probi atque improbi, verum perpende hæc talia esse, quæ pluries arceri nequeunt, nisi naturæ leges suspendantur, quo medio uti tam frequenter ac opus foret, sapientiæ Divinæ non est conveniens.

§. VIII.

NEC minora Bonitatis atque sapientiæ Divinæ vestigia in eo fulgent, quod improbi semper non subjaceant fortunæ adversæ. Si enim perpe-

tuo conflictarentur cum calamitatibus gravioribus, an perducerentur ad meliorem frugem? certe probabile videtur, quod continui ipsorum dolores turbarent prorsus mentem. Quid, quod eo facilime perducerentur ad suspiciendum Deum, utpote ens crudelissimum, omnique bonitate vacuum: & quemadmodum una anomalia alteram excipit, ita hinc magis magisque animum a Deo averterent, & auctis calamitatibus, in continua desperatione senescerent. Nec putandum, uti vulgo fit, illos maxima florere felicitate. Est enim vita eorum semper conjuncta cum intrinseco metu, curis innumeris atque conscientiae morbu. Addam & hoc, quod bona eorum apparentia s̄apissime magni aestimentur. Observandum denique, quod Deus iustitiam suam, qua totum suum rigorem, non exerceat hac in vita, verum bonis allicere vult flagitosos, ut se ad frugem bonam recipient (§. VI.). Cumulati vero sic prospero successu, & non resipescentes, nullum est dubium, quin conserventur *ad diem perditionis & iræ.*

§. IX.

LIcet ex adductis clarum sit, quod mala physica interpellando & corrigendo graviora mala, plurimis bonis locum aperiant, placet tamen ulterius idem ostendere, considerando unum alterum vel malum physicum. Inter mala hæcce dictitante

S. Scri-

S. Scriptura referenda est primævæ fertilitatis imminutio, qua terra ob lapsum protoplasmorum affecta est. Respondet autem hujusmodi dispositio Divina, optime moribus hominum corruptorum, qui perquam negligentes sunt officiorum Deo, sibi & aliis præstandorum. Neque alia re magis in statu præsenti permoveri potuerunt ad scrutinium rerum naturalium, quæ prædicant infinitas Summi Conditoris perfectiones, quam dum vident ea, quæ vitæ sustentationi & commoditati inserviunt, comparari non posse, nisi diligenter naturæ librum evolvant. Finge terram suas gazas sine ulla molestia hominum porrigere, annon corpora eorundem tabe, rubigine atque turpi otio corriperentur? Nam procul dubio hoc desiderium, hoc opus dum foret, saginando corpus, voluptatem sensualem unice procurare. Cumque innumera morborum genera originem debent luxui atque neglectæ corporis exercitatio, nullum est dubium, quin genus humanum pluribus afficeretur morbis, quam in præsenti statu. Subministrat etiam hæc asperitas terræ, innumeræ occasionses disspellendis animi tenebris. Hinc e. g. necessum fuit expiscari non solum indolem diversarum terræ specierum, verum etiam præstantiam, origines, natales, crescendi modum, effetum aquæ, aëris, caloris, frigoris, verbo omnium quæ vel inimica, vel proficia sunt fertilitati. Est hæc soli dispositio, amplissima occasio inveniendi instrumenta, machinas & artes, in quibus sagacitatem

mentis humanæ sœpiissime admiramur. Hac, usus rerum nobis abjectissimarum detecti sunt, unde innotuit, etiam vilissima certo usui & fini esse destinata. Ita vero exultis animi atque corporis dominis, tanquam certo enumerato pretio, e terræ gazophylacio, non solum vitæ necessaria, verum commoditati inservientia, redimuntur. Neque ultra nobis subest caussa querendi, quod terræ proventus non sint semper æque largi, quodque terra interdum quasi eludat nostros labores, nostramque industriam. Experientia quippe constat, quod annonæ ubertas multo frequentior sit ejusdem difficultate. Unde liquet, maximam copiam frumenti posse temporibus iniquioribus supererisse, nisi multipli luxuria dilapidaretur. Inprimis cum solita frumentorum genera, diutius conservari possint, quam semina reliquorum vegetabilium, eum certe in finem, ut nobis alimento essent tempore famis, qua in re, non possumus non venerari singulare Bonitatis atque Providentiae Divinæ vestigium, Pariter providæ Dei curæ referendum est, quod una regio plerumque alterius inopiæ succurrere possit. Quid, quod, plurimæ vegetabilium species, in regionibus annonæ caritate oppressis, crescunt, quæ esuriem sedare valent, modo justa eorum accedit notitia. Est etiam hoc bonitatis Divinæ indicium, quod ista vegetabilia, quæ hominum vieti sunt destinata, quæque viribus & salubritate reliqua antecellunt, ubique fere terrarum crescere possint, maioresque præ ceteris sustinere injurias, & sæ-

& fæpe admirabilem in modum propagari. Habe-
mus denique providentiaæ Divinæ beneficio perplu-
rima media, quibus varia eorum impediri & cor-
rigi possunt, quæ fœcundiori terræ proventui ob-
stare solent. Nec dubitandum, quin longe majo-
rem eorundem copiam consequturi erimus, mo-
do industriam nostram, in scrutandis rebus natura-
libus, desiderari non patiamur.

§. X.

VErum quidem est, quod homini inest deside-
rium quoddam sciendi, sed probabile videtur,
illud, in præsenti statu corrupto, aut penitus suffo-
cari, aut ferri in objecta minus necessaria atque
utilia, nisi quam plurima mala physica, ex quibus
oritur necessitas, excitarent ingenia humana ad
scientias excolendas. Notum quippe est, quod ho-
mines perversi, non raro facilius per motiva, ex
rationibus extrinsecis & quidem violentis, quam
intrinsecis, desumpta, ducantur. Sic morbi, qui-
bus premuntur mortales ansam subministrarunt
excolendæ medicinæ, scientiisque cum eadem
connexis. Aperuerunt vero hæ scientiæ nobis la-
tissimum campum celebrandi infinitam Summi Nu-
minis Sapientiam atque Bonitatem, sive considere-
mus vim, vias, methodos atque apparatus organo-
rum, quibus natura utitur in averruncandis mor-
bis; sive multitudinem remediorum, quæ contra
eosdem e regnis naturæ peti possunt: sive quod
non-

nonnulli morbi videntur invadere in quosdam, ut
dein longiorem vitæ usuram ipsis concedantur: sive de-
nique, quod morbi maxime mortiferi, uti va-
rioli atque pestis, plerumque non denuo aggredi-
untur, quos antea vexaverunt. Par est ratio reli-
quorum malorum physicorum, nam tædis & de-
fectu impulsi sunt mortales suæ saluti prospicere.
Hinc nulli labori, industria atque prudentia per-
pererunt. Ita bella, naufragia, inundationes ter-
rarum &c. ad florem plurimarum scientiarum con-
tulisse dicenda sunt.

Atque sic manum de tabula. Tuum jam est
C. L. tumultuarium nostrum in re ardua opus,
mitiori perstringere censura. Angustia typi, ea,
quæ fusiis circa nobilissimam hanc materiem
meditati sumus, hisce circumscripta
sunt limitibus.

SOLI DEO GLORIA !!!

